



Inatsisartuni ilaasortaq
Sofia Geisler, Inuit Ataqtigiit
/Maani

Errorsinermut qaqorsaait kingunerutillu pillugit § 37 naapertorlugu apeqquteqaammut 120-2020-mut akissut

Asasara Sofia Geisler

Inatsisartut suleriaasianni § 37 naapertorlugu errorsinermut qaqorsaait kingunerutillu pillugit Naalakkersuisunut apeqquteqaateqarputit. Apeqqutit uannit akineqartussatut innersuunneqarpoq.

1. Inatsisartut 2019-imi ukiakkut ataatsimiinnerminni aalajangiiffigisaat imm. 131 pillugu killiffik pillugu Naalakkersuisut nassuiaaqquneqarput. Tassani Namminersorlutik Oqartussat ingerlataanni errorsinermut qaqorsaait aammalu kingunerutit taamaallaat avatangiisinut innarliisuunngitsunik nalunaaqutsikkanik aammalu tipigissaateqanngitsunik atuilernissaat pillugu Naalakkersuisut suliaqarnissamut peqquneqarput. Tamatuma ilutigisaanik inoqutigiinnut inuiaqatigiit errorsinermut qaqorsaatinik aammalu kingunerutit avatangiisinut innarliisinnaasunik atuinerisa millisinnissaat anguniarlugu Naalakkersuisut paasititsiniaanermik ingerlataqarnissaannik peqquneqarlutik.

Akissut: Apeqqutip akineqarnissaanut Aningaasaqarnermut Sulisoqarnermillu Aqutsisoqarfik imaattumik ilassuteqartinneqarpoq:

”Namminersorlutik Oqartussat sullissiviisa taamaallaat errorsinermut qaqorsaatinik kingunerutinillu avatangiisit pillugit nalunaaqutsikkanik tipigissaatitaqanngitsunillu atuinissaat qulakkeerniarlugu, ASA-p tamanna eqqiaanermut atortunik pilersuisut Namminersorlutik Oqartussanut isumaqatigiissutaannut piumasaqaatitut ilanngutsippaat.

Isumaqatigiissut Namminersorlutik Oqartussat Qitiusumik Allaffeqarfiani eqqiaanermut atuuppoq. Isumaqatigiissut ASA-mi Illorsuarmut Allaffimmit Kiffartuussivimmillu isumagineqarpoq.

Aamma isumaqatigiissummi aalajangersakkat, eqqiaanermi atortut pisariaqanngitsunik pinngortitamut avatangiisinullu sunniuteqannginnissaannik qulakkeerisussat allanneqarput.

Allakkat ulluat: 24-07-2020
Suliap normua: 2020 - 12253
Allagaatip ilisarnaataa: 14265543

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Aalajangersakkat taakku siunissami pilersuisut atorpeqartut kikkuuneri apeqqutaatinnagit isumaqatigiissusiornermut ilaasassapput. Taamaalilluni avatangiisinut piunasaqaatit sukannernerulersinneqartut pilersuisunut assigiimmik atorpeqartarnissaat qulakkeerneqassaaq.

Imm. 3.7-imi allassimavoq; *Pilersuisup Sullissinermik (eqqiaanermik) ingerlatsinerminut atatillugu sukkulluunniit pinngortitaq avatangiisillu mianerissavai.*

Taamaattumik Pilersuisup Sullissinermik ingerlatsinerminut atatillugu imermik innaallagissamillu il.il. atuinini annikillisassavaa.

Tamatuma saniatigut Pilersuisup akuutissanik avatangiisinut peqqissutsimullu ajoqusiiinnaasunik atuinini sapinngisamik killilersussavaa. Akuutissat taamaattut pinngitsoorneqarsinnaatinnagit tunisassiortup innersuussutai malinneqassapput, taamaalillunilu akuutissat avatangiisinut peqqissutsimullu sunniinissaat sapinngisamik annikinnerpaatinneqassalluni.

Eqqiaasut sukkulluunniit nukissiuutinik eqqortumik atuiiffiusunik pissusilersortassapput, tassunga ilanngullugu qaammaqqutinik pisariaqanngitsunik qamiterisassallutik, igalaanik matooqqaasassallutik, kaffiliorfinnik assigisaannillu qamiterisassallutik.

Aamma imm. 3.8.2-mi allassimavoq: *Eqqiaanermut atortut Svanen, Blomsten assigisaaluunniit atorlugit avatangiisit pillugit nalunaaqutsiussanik nalunaaqutaqartassapput. Nalunaaqutsersuinissamut piunasaqaatit uani allassimapput: www.ecolabel.dk.*

Eqqiaanermut atortut aamma Astma og Allergi Danmark-ip nalunaaqutsiussaanic assigisaanilluunniit nalunaaqutsersimassapput.

Nalunaaqutsersuinissamut piunasaqaatit uani nassuiarneqarput: www.astma-allergi.dk. Eqqiaanermut atortunut, atorpeqartussatut eqqarsaatigineqartunut paasissutissat atortussanik pisiniartoqannginnerani atuisoqannginneranilu Sullitami akuerineqassapput.

Kisiannili eqqiaanermut atortut ataasiakkaat nalunaaqutsiussassatut kissaatigineqartumik nalunaaqutallit pigineqanngitsut paasineqarpat, Pilersuisoq atortussanik, sapinngisamik piunasaqaatinik naammassinniffiusunik siunnersuuteqassaaq.

Siunnersuut Sullitami akuerineqassaaq.

Pilersuisoq silaannarmut tipigissaatinik, quisarfinnut tipigissaatinik assigisaanilluunniit atuisanngilaq.

Eqqiaanermut atortumut atorpeqartumut annertussusissanut innersuussissutit malillugit tamatigut annertussusiliisoqartassaaq.

Tamatigut eqqiaanermut atortut naleqqunnerpaat, aammalu eqqiaqassamut pineqartumut uuttukkat atorpeqartassapput.”

Iisimatusarnermut Avatangiisinullu Naalakkersuisoqarfiup sap. ak. 32-39-mi KNR-ikkut videomik paasissutissiiviusussamik takutitsisarnikkut paasititsiniaanermik ingerlatsinissani pilersaarutigaa, tassanilu innuttaasut qaqorsaatinik, avatangiisit pillugit nalunaaqutsikkanik atuisarnissamut, aammalu kingunerutinik atuinaveersaarnissamut kaammattorneqarput.

Inussiarnersumik inuulluaqqusillunga



Jess Svane